


www.BibleForChildren.org

उबजणाय कीताप 3



आदम आहूफा नी लाडी नु नाम हव्वा पाड़्यो;
काहाके जेतरा माणेह जीवतूला से तीहया आखा
नी सुरु नी आहूय तीहयी हयी।



यहोवा भगवान जेतरा जंगली जानवरु
बणावलो हतो, तीमनी आखा मे गड़हो चलाक
हतो; तीह्यो बयर ने केदो, “हु हाचलीन
भगवान केदलो से के तमु बगीचा ना काना बी
झाड़ नो फोळ नी खाजो?”



बयर गड़हा ने जपाप
आपी, आमु बगीचा ना
झाड़ नु फोळ खाय सकीया।

“पण भगवान केदलो से,
बगीचा ना वचे लागला झाड़ नु फोळ नी खाजो, अने
नी छीमजो, नीता तमु मर जहु।” ततयार गड़हो बयर
ने केदो, तमु पक्का नी मरो। भगवान जाणे के जे
दाड़े तमु तीनो फोळ खाहु ततयार
तमारा डोळा उगड़ी जहे, अने
तमु भला अने बुरा ग्यान ने
जाणीन भगवान ने तेवा बण जहु।



एतरे जत्त्यार बयर देखी के तीहया झाड़ नु फोळ
खावा जुगु वारु से, अने देखवा मे मन गमता, अने
अक्कल आपवा जुगु चाहवा लायक बी से,
तत्त्यार तीहयी तीनु फोळ तोड़ी, अने तीने खादी,
अने आहूफी ना लाडा ने बी आपी, अने तीहयो
बी खादो। तत्त्यार बेम जणा ना डोळा उगड़ी
जूया, अने तीमने मालम
पड़्यु के तीहया नांगरला
से; एतरे तीहया अंजीर
ना पान्टा हीवीन कसूटु
बणाय लेदा।





तत्पार यहोवा भगवान आदम ने आङ्गिन
पुछ्यो, तु कां से? तीहयो केदो, मे बगीचा मे तारी अवाज ह्मळीन
बीह ज्यो, काहाके मे नांगरलो हतो; एतरे मे ह्ताय ज्यो। “तीहयो
केदो, कोय तने देखाङ्ग्यु के तु नांगरलो से? जे झाङ्ग नु फोळ मे
तने नी खावा करीन केदलो, हु तु तीनु फोळ खादलो से?”



आदम केदो, “जे बयर ने तु मारी हाते रेवा करीन आपलो से,
तीहयीत तीहया झाड़ नु फोळ मने आपी, अने मे खादो।”
ततयार यहोवा भगवान बयर ने केदो,
तु आहयु हु करी? बयर केदी,
गड़हो मने बहकाड़ देदो, ता मे खादी।





एतरे यहोवा भगवान आदम ने अदन ना बगीचा
मे गेथो नीकाळ देदो के तीहयो तीहयी जागा मे
खेती करे, जीनी मे गेथो तीने बणावलो हतो।



एतरे आदम ने भगवान नीकाळ देदो अने जीवाय
ना झाड़ नी वाट नी रखवाळी करवा करीन
अदन ना बगीचा नी उगवणी वखे करुबाम
ने, अने च्यारो मेर फीरवा वाळी
होळो-होळो धपत्ली तलवार ने टाळ्यो।




जत्त्यार आदम आह्फा नी लाडी हव्वा नी हाते ज्यो ता तीहयी
भारेपोगे हयून केन ने पयदा करी अने केदी, “मे यहोवा नी मदत सी
एक सोरु हात कर लेदी।” अळी तीहयी एक सोरा ने पयदा करी जीनु
नाम हाबील हतु, हाबील ते गाडरा-बोकडा नो
गुवाळ्यो बण ज्यो, पण केन धरती पोर खेती


करवा वाळो
कीरसाण
बण ज्यो।



થોડાક ઢાઢાન અઢતેણ કેન યહોવા ને તાં આહ્ફા ના ખેતર ની થોડીક
મેર ભેટ કરવા કરીન લાયો। અને હાબીલ બી આહ્ફા ના ગાડરા અને
બોકડા ના પેલા બચ્ચા ને ભેટ ચડાવ્વા કરીન લીન આયો અને વારલો
હીસૂસો ભેટ ચડાયો; તત્પાર યહોવા હાબીલ અને
તીની ભેટ ને તે આવરી લેદો, પળ કેન અને તીની
ભેટ ને તીહયો ની અવરૂયો। તત્પાર કેન ઘળો
ખીજવાય જૂયો, અને તીહયો હોહવાય જૂયો।



तत्पार केन आहफा ना भाय हाबील ने कंय केदो; अने जत्पार तीहया
खेतर मे हता, ता केन आहफा ना भाय हाबील ने जोर
करीन अने मार नाख्यो।



तत्पार यहोवा भगवान केन ने पुछ्यो, “तारो भाय हाबील कां से?”
तीहयो केदो; “मने नी मालम; मे मारा भाय नो रखवाळ्यो से हु?”
तत्पार यहोवा केन नी हाते गेथो छेटो जत र्यो, अने नोद नाम ना देस
मे, जे अदन नी उगवणी भणी से, रेवा बाज ज्यो।



आदम आहूफी लाडीन्तां अळी ज्यो; अने तीह्यी एक अळी सोरा ने
पयदा करी अने तीनु नाम आहयु कीन सेत पाडी के “भगवान मारी जुगु
हाबील ना बदले, जीने केन मार नाखलो हतो,
एक अळी सोरो आप्यो।”



अने सेत ने पयदा हयवान बाद आदम आंठ होव साल जीवतलो र्यो,
अने तीना अळी बी सोरा-सोरी पयदा हया। आह्यी रीते आदम ना
आखा साल नव होव तीस साल हया,
अळतेण तीहयो मर ज्यो।



यहोवा भगवान देख्यो के माणहु नी बुराय धरती पोर बड़
जेली से, अने तीमना मन ना वीच्यार मे जे कंय पयदा
हये तीहयु हमेसा बुरु हये। ततयार यहोवा केदो,
“मे माणेह ने जीने मे बणायो धरती पोर सी
खत्तम कर देही; हु माणहे, हु जानवरु,
हु घीहाय्न चालन्या
जीव-जन्तु, हु हरग मे



ना चड़ा, आखाम
ने खुटाड़ देही,
काहाके मे हीमने बणाव्वा
सी पछ्ताय र्यो।”



पण यहोवा नी दया नी नींगा नुह पोर बणीन री।अने नुह सी
सेम, अने हाम, अने येपेत नाम ना,
तीन सोरा पयदा हया।



भगवान आहूयी कळी सी एतरो मोंग करूयो, के
तीना एक-खोळ्या बेटा ने आप देदो के, जे कोय
तीनी पोर भरहो करे, तीहयो बरबात नी हये,
पण अमर जीवाय हात करहे।



रोमीयो 3:23 काहाके आखान-आखा पाप करला से, अने आखान-आखा
भगवान नी बड़ाय सी बाकता ह्य ज्या।

रोमीयो 6:23 काहाके पाप नी दाड़की ते मोत से, पण भगवान नो फोकट्यो
वाटो आपणा मालीक ईसु मसी मे अमरकाय जीवाय से।

ईब्रानीयो 9:27 अने जीसम माणहु नी लेदे एक कावा मरवा अने तीनी
बाद नीयाव नु ह्यणु से जरुड़ी से।

ईफीसीयो 2:8,9 काहाके भरहा ना लारे दया सीत तमु बचला से, काहाके
तमारी लारे नी ह्यु, पण आह्यु भगवान नो ईलाम से,

अने आह्यु तमारा कामु नो फोळ नी ह्य, के कोय मोटाय करे।

रोमीयो 10:9,10 आनीन करते कदी तमु आपणा मोडा सी ईसु ने मालीक
करीन मान्ता ह्य अने मन मे आह्यो भरहो करता ह्य के भगवान तीने
मरला मे गेथो जीवतो करलो से ता तमने छुटकारो जड़हे।



काहाके भरहो मन सी कराय, जीनु फोळ से धारमीक्ता अने मानवा मोडा
सी ह्ये जीनु फोळ से छुटकारो।

युहन्ना 3:16,17 भगवान आह्यी कळी सी एतरो मोंग कर्यो, के तीना
एक-खोळ्या बेटा ने आप देदो के, जे कोय तीनी पोर भरहो करे, तीहयो
बरबात नी ह्ये, पण अमर जीवाय हात करहे।

भगवान आह्फा ना बेटा ने कळी मे आनी लेदे नी मोकल्यो, के कळी पोर
डंड नो हुकम आपे, पण आनी लेदे के कळी तीनी लारे बचे।

1 युहन्ना 5:11-13 अने तीह्यी गवाय आह्यी से, के भगवान आपणु ने
अमर जीवाय आपलो से: अने आह्यी जीवाय तीना सोरा ईसु मसी मे से।

जीनी पांह ईसु से, तीनी पांह जीवाय से; अने जीनी पांह भगवान नो सोरो
ईसु मसी नी ह्य तीनी पांह जीवाय बी नी ह्य।

मे तमारी जुगु, जे भगवान ना सोरा ना नाम पोर भरहो कर र्या, आनीन
करते लीख र्यो; के तमु जाण जावो, के अमर जीवाय तमारी से।



उबजणाय कीताप 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Paliya Bible (bpx) © The Word for the World International
and Yisu Por Bherho Karanya Paliya Mandli, Rajpur,
Barwani, MP, 2025

<https://www.bible.com/en-GB/bible/2779/MAT.1.PPT2025>

©2026 Bible for Children, Inc.

www.M1914.org www.bibleforchildren.org

